

九江府志卷二十一

學制

學額 學田 附

慶賀 講約 鄉飲 酒禮 附

府學在郡城西南隅半里許面蓮花池宋開禧間知軍州事余崇龜建元至元間總管劉恆增葺至正間兵燬明洪武元年知府龔琬仍舊址重建殿廡越六年同知鄭暉拓而增之堂齋櫺星戟門泮池師生廨舍庖湢庾庫各有所二十年知府黃惟清修之尋圯成化六年知府蘇致中重建殿廡門宇鑿池豎坊九年知府謝峻樹鄉貢進士題名石于明倫堂之西北隅二十二年知府趙琪重修宏治二年知府童潮加修並增塑聖賢冕服

九江府志

卷二十一

學校

學制

一

像正德八年知府李從正再修十五年戶部主事鄭汝美權舟溢江初置樂器正德間知府王念嘉靖間知府東漢遞修六年知府馮曾捐俸大新之學前有蓮花池及屏牆廣數十丈舊爲射圃廳地後爲居民所侵崇禎六年教授于樹勳清復捐貲樹屏鑿蓮池後燬于兵惟殿及兩廡戟門存焉

國朝順治六年教授徐翀詳請巡道薛柱知府周璜率各屬員捐修十二年知府王孫章再葺康熙十一年知府江殷道捐俸建明倫堂尊經閣及崇聖名宦鄉賢三祠並修殿宇三十年知府朱儼捐修雍正八年副使劉均知府蔡學灝重修九年重修

嘉慶八年彭澤廩貢丁春捐修正殿神龕月臺德化州同宋光

璧貢生夏汝讚廖泰瑋貢生蔡增琳職員捐修東西兩廡祭樂兩庫

州同楊廷貴捐修戟門貢生陳大來職員捐修明倫堂餘安瑞湖紳

士分修二十三年彭澤職監丁世馥重修正殿月臺

今制 戊寅原文

大成殿 東西廡殿干兩翼祭器庫東廡下樂器庫西廡下戟門殿廡前文

更衣亭戟門東武更衣亭戟門西金聲玉振坊戟門前內泮池坊前名宦

祠文更衣亭前鄉賢祠武更衣亭前櫺星門內泮池前又以門外左右門有德配天地道冠古今亭匾

學頭門櫺星門左二門大成殿牆外東北角龍門大成殿後明倫堂龍門內崇聖祠明倫堂

九江府志

卷二十一

學校 學制

一一

堂後奎星樓崇聖祠上文昌宮明倫堂左土地祠學頭門左教授署明倫堂右訓導署

西廡紅牆外蓮花池文廟前屏牆蓮花池外

按戊寅志載今制字存目前之規式亦逆計後此之不能無

廢興也乃粵逆至殿無魯壁基積秦灰蔓草荆榛目擊者

心惻雖克復後屢檄集議興修徒以五邑元氣未充敬慎

鉅功未敢輕舉幸值 大中丞劉 培養學校刊發禮樂備

考一書通飭各學修復祭器樂器疊次行催前來潯郡黃郁

兩學仰體 深心遂將 府學宮現在力不足以興復實

情上稟沐 批委員勘估撥欵興工闔郡官紳士民齊聲

歡忭怡奉纂郡志粗成謹將稟 批繕清載入學校條內
並照勘擬工程依式繪圖於後以道 盛德之不可誼焉
附錄

九江府儒學

教授黃
訓導郁稟

敬稟者

卑學

同治拾年奉九江府邵札開本年五月十三

日准南昌府許移開竊奉 大人面諭上丁致祭大典攸

關省垣設局修製祭樂器講習禮儀漸臻明備合將儀制

圖譜彙刊成書名曰

文廟上丁禮樂備考飭卽分送各府州縣轉發各學收存壹部

九江府志

卷二十一

學校

學制

三

并飭各縣仿照程式次第備辦等因到府仰學接收禮樂
備考遵照辦理在案同治十一年十一月奉九江府達札
開本年十月二十九日奉藩憲劉札開本年十月十二日
奉 大人批示據申興國縣製辦祭器教演禮樂數月之
後秩然可觀辦理實屬認真深堪嘉尚仰布政司通飭各
屬一體照辦并飭該府立即轉飭所屬移儒學一體遵照
趕緊認真辦理毋稍違延等因到府仰學遵照在案 卑學
奉此仰見 大人維持文教一本至誠分應遵照程式趕
緊教演奈 卑學 礙有難行之處欲言不敢不言不能茲當

大人諄諄飭辦在案迺不揣冒昧臚陳一切九江府

文廟自遭兵燹後迄今未能修復同治三年卑學將實在情形

稟前府陳蒙查勘府學地基墻根傳工估計具詳各憲復

飭九江府屬籌捐興修奈地瘠民貧無從籌款以致中止

同治六年卑學復稟前府福催修蒙府札催各縣興工修

造乃連年水災困苦異常又將此舉延擱所有基址墻根

前此規模猶在者今則蕩然無存矣荒涼景況目擊心傷

乃疊奉 上憲札飭修備祭樂器具用敢備由瀆陳卑學

查各府

九江府志

卷二十一

學校學制

四

聖宮除饒州一府其被兵燹者俱經修復饒州尚僻處方隅九

江七省通衢洋人雜處急宜修葺以肅觀瞻而隆文教現

在開局輯纂府志

文廟繪圖礙難憑空擬撰敬求 大人作主飭令九江府屬趕


繁興修抑或另行設法籌款卑學未敢擅擬肅此具稟

同治十一年十二月 日

批

府正堂達 為札飭知照事本年正月初五日奉

藩憲劉 札開同治十一年十二月十九日奉



德化學舊在府治南 慶厯間建於縣治東南鄂王池右崇甯
間知縣楊春遷今所元至正間江蘇總管趙瓏再建十二年兵
燬明洪武七年知縣陶遂卽舊基重建十二年知縣楊玘增修
學門東向正統元年知縣馬驄改南向景泰二年戶部主事李
蕃復移學門于東而擴其基戶部主事馬訓龐崇議員外黃紹
參議陳珪相繼葺之天順間知縣陳敏重修成化間知府謝峻
重建知府趙祺童潮知縣汪琦先後加修宏治七年教諭邵清
請改學門南向明年戶部主事白金大新宮墻正德八年提學
副使李夢陽命知縣王翼姚永增修議遷于前數百步以宸濠

九江府志

卷二十一

學校

學制

七

兵阻嘉靖元年提學副使邵銳以教諭楊喬請迺鬻學後地以
充工費命知府王念徙建又易民居鑿外泮池七年知府馮曾
因兩廡地基卑溼戟門櫺星門圯壞泮池淤塞乃出帑羨新之
後又於櫺星門右建大魁樓今燬二十八年知縣廖士衡重修
四十一年知縣陸以卿重修凡明倫堂殿廡廡含櫺星門泮池
修飭維新又易民址以開賢路建坊題曰人文化成崇禎九年
生員石文炯等請于知縣李正春重修後燬於兵

國朝順治十六年推官胡宗虞知縣徐宏美重修康熙五十七
年知縣張近光捐修雍正九年知府蔡學灝重葺正殿兩廡屋

宇新甃泮池并櫺星門牌坊乾隆十七年知縣高植率紳士重葺煥然一新殿廡之外俱築土而磚石以砥其面戟門爲東西向峻坊而顏以德配天地道冠古今如郡學屏牆高廣俾民居之附近礙目者悉屏之氣象宏麗視舊尤加敞焉乾隆二十年知縣周千里教諭周鴻基會紳士勸輸重修正殿升三尺重砌墻垣及東西圍墻暨修兩廡戟門補泮池石欄杆屏墻鬢門鑿蓮池增花墻開內外溝道買學側基地增屋二重收租生息永爲修費乾隆四十八年紳士修嘉慶八年巡道阿克當阿知府田文龍同捐廉暨紳士捐貲重葺其

東西

兩廡祭樂器兩庫

九江府志

卷二十一

學校

學制

八

捐修夏

汝

宋

光

廖

泰

蔡

琳

戟門

捐修

楊

廷

櫺星門

捐修

黃

履

仁

咸豐四年粵匪竄踞郡城八年官軍克復瓦礫徒存同治二年邑侯任君嘉培始議創修教諭吳君彬與諸紳總其事邑侯張君光裕落其成興工於三年甲子之冬延及三載六年丁卯秋迺告成功規制悉仍其舊惟名宦鄉賢祠改建於泮池左右東西齋附於明倫堂兩旁節孝祠改建于崇聖祠東墻外土地祠居其前忠義孝弟祠建於儒學大門之東北因就地基之廣狹方長稍爲改易耳

德安學舊在縣治東北隔溪半里許宋治平間知縣張伯樂徙

東南一里崇甯間知縣周池因地隘以智慧院易之建炎中兵燬紹興改元知縣吳廣問修之增所未備淳熙八年圯於水知縣劉允迪重修元至大四年主簿丁英重修至正十二年兵燬明洪武七年知縣馮袞仍舊址創殿廡堂齋門庭天順間水圯遷入縣治內正德元年知縣王春大新厥制十六年知縣梁一桂廣泮池甃以石教諭章琥于學之東自構講堂生舍凡十七楹以石垣之作觀我亭于堂後嘉靖六年知縣李萱復葺治之十九年風雷傾折知縣姚繼祿請于當道乃塞泮池並以射圃易民地鼎建萬歷五年知縣劉鐘申請改遷東向廟制一新之

九江府志

卷二十一

學校

學制

九

九年知縣張廷熙感科第廖落仍遷河東力襄其事者本府通判葉朝榮乃相四向高之父也二十八年知縣祝彥捐俸造三齋三十六年知縣馮順宣鼎新殿廡嗣遭兵燹僅餘墻圍基址國朝康熙六年知縣張侯卽河東舊址新之並建崇聖名宦鄉賢祠又于學左建文昌閣諸生以時肄業其間五十年圯于龍風知縣蕭彬遷建城內舊基仍舊南向乾隆十八年因舊制卑隘且圯知縣舒道宏倡議更新旋以憂去未果二十年知縣曹師聖偕紳士鄒大紳燕侯熙等改作建文昌宮於櫺星門東建魁星閣於學門內明倫堂前教諭廡在學宮西訓導廡在教諭

廡前節孝祠在訓導廡前名宦鄉賢二祠分列櫺星門左右規模崇煥視昔有加焉五十四年知縣何昶集紳士萬元奎等修葺知縣黃錫冕成之嘉慶十三年知縣秦樹慶酌議分修東鄉監生萬方泰邑庠萬方甯捐修大成殿崇聖祠明倫堂藏經閣西鄉紳士修兩廡南鄉紳士修櫺星門二十二年西鄉改建文昌宮於外泮池東計二重卽建魁星閣於樓上監生徐寶捐銀三百兩道光二十三年知縣龐復敦仍議分修西鄉廩生葉青捐修大成殿其崇聖祠明倫堂藏經閣及兩廡各祠宇櫺星門等處三鄉紳士劉澤霖桂文侯張青筒吳鳳詔等分修學宮頭

九江府志

卷二十一

學校

學制

十

門及屏牆紅牆戟門泮池等工俱南鄉紳士燕登慶吳鳳詔等分修

瑞昌學在縣治西宋慶厯間建於灤溪之旁嘉泰三年知縣洪

均德遷今所元至順四年總管

縣志作郡守

陳元愷同達魯花赤亦

刺馬丹重修凡廟廬齋閣堂庭堦戶下逮庖湢無不整飭至正

十二年兵燬明洪武四年知縣黃

鼎顏

仍舊址重建知縣劉從政

劉仁宅

永樂間

朱廷宗

宏治間

增修宏治十六年巡視御史林俊僉

事沈銳按臨以近市囂隘議遷得舊學基于學治右少後百步商之提學邵寶檄知府高友璣委推官汪濬知縣王顯宗董其

事十八年學成正德三年知縣黃大源

縣秩官志序黃于成化末年學校志又序黃于

正德初年
疑有悞

于泮池垣墻道路及神龕器皿饌堂射圃牌坊率皆

修葺嘉靖二年僉事林大輅卽學東南隅建尊經閣建明倫堂

于大成殿後東爲教諭訓導廡西爲崇聖祠又東北爲射圃餘

制同前九年巡撫傅鳳翔按學病其逆而左議徙諸右知縣江

涯代終焉十年奉詔易封號改像爲木主三十五年署縣推官

范永宇建名宦鄉賢二祠于儀門左右萬厯間署縣通判葉朝

榮謀遷于明倫堂右未果子向高後爲大學士思承先志囑撫

按卽其地飭縣興工廟廡堂閣煥然一新後教諭夏思重修櫺

九江府志

卷二十一

學校

學制

十一

星門易以石崇禎十六年知縣趙三薦復遷于右去舊址七十

步旋兵燬

國朝順治十七年知縣李芳春遷于北門岡十八年知縣劉景

臯復修明倫堂崇聖祠凡廟廡堂祠以逮齋舍門屏池坊皆合

法度康熙十二年知縣江臯詳請復故址未果五十二年知縣

郝之芳仍舊址修葺建忠義祠於崇聖祠後建節孝祠於忠義

祠後乾隆十七年知縣鄒尙仁教諭張禹遜繼任知縣蔣有道

先後經營重建殿宇增立金聲玉振坊移建櫺星門東西兩廡

增修十有八間新鑿泮池覆以石梁凡明倫堂及崇聖名宦鄉

賢忠義節孝五祠俱新構赫然改觀并遷城隍廟以闢賢路道光二十三年知縣王訓教諭楊鶴年訓導陳中實以廟貌失修日久乃捐廉爲倡勸諭紳士從長計議旋奉調卸任二十四年知縣謝方潤踵事倡捐各紳士樂輸共計銀五千五百五十三兩七錢隨經雇匠購料本年十一月肇工凡大成殿大成門戟門泮池尊經閣明倫堂崇聖祠東西兩廡及忠義各祠宇巍煥崇宏祭樂等器新購具備並建祭器樂器二庫二十五年三月落成咸豐三年九月髮逆擾掠十一年重修同治五年四月續修十二月告竣

九江府志

卷二十一

學校

學制

十二

湖口學舊在縣治東北真如寺故址宋慶厯中建於石鐘山旁元至正間兵燬明洪武三年知縣郝密徙今所知縣鄭道宗縣丞于貞相繼建櫺星門於泮池前六年知縣劉懷祖建明倫堂於學後宣德三年知縣趙誠修建教諭廡于學左正統十四年知縣廖綱遞修景泰二年知縣謝和重建天順八年教諭張環立鄉貢題名碑於明倫堂右正德十五年知縣章佺梅偕生員黃楠闢後山地以廣之移櫺星門于泮池後臨街爲牆重建禮門工未竣嘉靖二年提學周廣同知范初知縣傅雲繼成之十年知縣黃傑建啟聖祠

今稱崇聖

於明倫堂左二十二年知縣林高

岡重修殿廡知縣沈詔立歲貢題名碑於明倫堂左嘉靖二十六年巡撫傅鳳翔詣縣以學前偏塞溷囂遂支院餘公帑及鬻官空基銀價買學前街西民基以開賢路左右繚以牆西爲鐵屏山萬曆四十三年知縣林翹楚改建明倫堂及櫺星門隆慶五年提學邵夢麟同府廳各官卽鐵屏山下地建青雲樓初名宦鄉賢共一祠在明倫堂右崇禎元年署縣推官唐啟泰改建名宦祠于大成門外左建鄉賢祠於大成門外右七年教諭陳思謙建尊經閣於學後半巘建奎星亭於山右隙地後兵燬國初訓導鄧文林捐貲建亭榭木主配從聚祀一室康熙二年

九江府志

卷二十一

學校

學制

十三

知縣喬鉢訓導張達捐建正殿徙於明倫堂舊址未成七年知縣范之煥奉巡撫董衛國提學吳煒知府陳謙檄偕參將王之任訓導謝元鍾各捐俸紳士捐貲仍建原所浚泮池建訓導廡于舊明倫堂後康熙三十八年知縣周埏教諭涂璋訓導彭振藻重修乾隆五年知縣趙作霖教諭涂武陞訓導周名世典史陳概及紳士重新之知縣安纘祖落成十三年知縣郭承縉修櫺星門砌泮池四岸周以石欄進士曹天瑾呈請移崇聖祠同紳士捐建于正殿後卽明倫堂舊址十六年教諭魏淵映訓導吳佑暨紳士捐建奎星閣於尊經閣後三十九年知縣陶正倫

率闔邑紳士勸輸重建知縣沈榮勳鄭九敘楊秉彝陳鉞繼之
移建訓導廡於學右四十二年八月竣嘉慶七年紳士周立運
之孫曾等修神龕神主十七年紳士楊兆奎嗣修龕主二十二
年知縣宋庚移建忠義祠節孝祠於教諭廡前更名忠孝義祠
節烈貞祠咸豐四年粵逆焚燬同治八年合邑籌捐移建於舊
縣署基址並增買民基修造共用捐銀貳萬肆千捌百貳拾壹
兩

彭澤學舊在縣治東半里宋慶厯間建於崇儒坊元至正四年
縣尹王國輔修之至正十二年兵燬明洪武間知縣黃安泰主

九江府志

卷二十一

學校

學制

十四

簿孔希直仍舊址鼎建正統間知縣鄧周修成化間知縣凌杞
宏治間知縣徐俊相繼增葺十六年都御史林俊臨縣諸生請
遷于今鳳凰山麓知縣王琦董其事正德元年知縣王澄立石
十四年逆濠兵燬嘉靖元年知縣曾棠出藏金重建櫺星門二
訓導宅而泮宮坊遂廢七年知縣柯遷建敬一亭于櫺星門內
右暨宸翰碑七通十一年建崇聖祠於明倫堂左十二年知縣
戴璋增修教諭張一言置科貢題名匾而規制壯麗按學制外
爲都宮先廟後堂名宦鄉賢例祀於內以地窄廟堂左右相峙
雖名宦鄉賢亦爲別藏四十四年參議馮謙臨學見基址湫隘

乃檄署縣事本府 希泰動庫藏易民居以充拓之經始未就
萬曆三年知縣雷 敏一新廟廡堂齋舍廡諸宇建文昌祠于
學門左豎櫺星門而柱以石既復圯訓導曠 賢與其寮各捐
本年俸諸生各捐本年優免再新之當事助以贖緩曠謝不受
九年署縣通判葉朝榮于櫺星門外豎爲屏牆標以騰蛟起鳳
二十七年知縣鄒 明重修後兵燬

國朝順治十三年知縣董襄重建康熙八年知縣李遙增建二
十年知縣王廷藩教諭潘若騰訓導羅茂德以正殿四周磚牆
無檐宇櫺榻 類 制爰議改修採石購材於次年正月興工

九江府志

卷二十一

學校

學制

十五

建廟門三間東西兩廡各六間門兩旁名宦祠鄉賢祠各一間
建櫺星門三空華表坊以白石爲之又撤殿磚牆易櫺榻增檐
宇以壯觀瞻崇聖祠明倫堂悉皆修葺泮池甃以磚石牆垣塗
以丹雘冬月工竣廟貌一新其費則提學高璜知府陳秉化首
倡捐俸知縣王廷 暨教諭潘若騰訓導羅茂德諭紳士捐金
也二十七年知縣王廷藩端木象謙繼修雍正六年知縣李祖
旦教諭杜道坦倡首重修增建兩廡大成坊櫺星門臨街豎二
坊顏以德配天地道冠古今乾隆十八年教諭喻湖訓導丁士
偉暨諸生重新崇聖祠四十九年知縣高璠率紳士重修拓左

側基址遷崇聖祠於明倫堂東兼營學署例貢生丁名恭於學署頭門內捐建魁星閣嘉慶十四年邑紳歐陽鏊捐修正殿大成門兩廡各祠及外坊道光十二年知縣秦緡武捐廉倡建邑人歐陽麗何一晷等聚捐重修十四年八月興工十五年七月告竣改正殿大成門用瓷瓦較前尤爲壯麗咸豐三年被燬同治五年知縣趙宗耀慨然有興修之志捐白金三百兩率邑人鼎新之

學額

九江府學原額文武生各二十名咸豐十一年以彭澤縣報銷

九江府志

卷二十一

學校

學制

十六

捐團經費案丙加文武永遠學額各五名同治六年德化縣報銷軍需案內加文武永遠學額各三名是年又以湖口縣捐貲修城案內加文武永遠學額各二名

德化縣學原額文生十五名武生十二名同治六年以報銷軍

需奉部議請

旨著永遠加文武生學額各十名

德安縣學原額文武生各十二名同治三年富紳袁維城捐餉

奉部請

旨著永遠加文武學額各一名又以闔縣紳民捐輸團費永遠

加文武學額各八名

瑞昌縣學原額文生十二名武生八名同治八年以咸豐年間捐貲辦團奉部請

旨永遠加文武學額各八名

湖口縣學原額文十五名武十二名咸豐十年捐貲團練撫憲毓公奏請加額奉

上諭永遠加文武學額各七名同治六年報銷修城捐欸撫憲劉公會同爵署督李公奏奉

上諭又加永遠文武學額各三名

九江府志

卷二十一

學校

學制

十七

彭澤縣學原額文武各十二名咸豐十一年捐團經費案內加永遠文武學額各十名

學田

府學田地據舊志明教授史智以弟子贄市義田三十一畝入其租爲公費田在楓樹坂十二畝有奇車路坂田畝一十有九余世盛記據通志存田七十五畝有奇今依學署交代冊登載一坐落仁貴鄉馬宿嶺民田地十畝額市斛租一十三石一坐落仁貴鄉東瓜壠民田地一十九畝荒蕪五畝荒山一片額市斛租三十三石一坐落德化鄉東城坂民田地二十八畝五

分額市斛租五十石 一坐落德化鄉夏家河民田地三十四畝額市斛租五十四石 又官牌夾草場一匡學塘一口每年納課銀二兩四錢因官馬踐踏難以全課每年改折市斛租二石 一坐落仙居鄉民田地塘共二十七畝八分每年額市斛租五十五石 一坐落赤松鄉渠田坂民田一十八畝外二畝與柳阿駱戶各分一半每年額市斛租十八石 一坐落甘泉鄉馬公祠民田三坵共七畝額鄉斛租一十四石 一坐落甘泉鄉木壠南衛屯田一十八畝大小十七坵下堰五坵另在一處每年額鄉斛租三十六石係童生熊學典于乾隆五十六年

九江府志

卷二十一

學校

學制

十八

捐學詳報 一坐落甘泉鄉李河坂九衛故屯田六股之一鄉斛租一十一石係歲貢李彬于乾隆五十二年捐學詳報 一坐落封一鄉封郭洲下則地一十畝每年取課銀八兩扣八九錢七千文 一坐落桑落鄉桑落洲下則地一墩議定每年交十足錢一十三千二百四十文 一城子鎮田地共五十二畝八分三釐取課銀一十六兩四錢與德化學四六均分內除化學田地外府學田地三十一畝六分八釐八毛每歲取課銀九兩八錢四分 又鄉斛租三十二石除化學租石外府學實收租一十九石二斗 一教授署側絲園每年取地課租九九錢

四千八百文 一訓導署側絲園每年取地課租九九錢四千八百文嘉慶戊寅五邑捐錢三百二十串九九交郡典生息爲殿廡歲修

德化學田地南昌鄉紅羅幃田二十畝 甘泉鄉王老人坂田二十五畝三分 城子鎮田地共五十二畝八分三釐 仙居鄉田二十畝 白鶴鄉田龍岡坂四畝零 封郭洲陳家墩田五十畝 封一鄉地二十畝 封二鄉地一十五畝 瑞昌鄉歸二鄉田一十六畝 封一鄉橫港埭田一十二畝 學後基地五間 小池口橫壩基地七間 獅子湖歸學充公草場

九江府志 卷二十一 學校 學制 十九

拚草價銀二兩額解學憲租銀一十一兩五錢三分九釐七毫八絲脚銀三錢六分

德安學田嘉靖十一年教諭楊暉置爲諸生月試之費五畝三分五釐土名瑤頭壠 二十七年知縣蔡元偉置田十畝零四釐外塘一口計三分一在豹山一在三橋 三十三年知縣胡廷順買田五畝一在尖山下一在寶泉 又申曾尙萬開墾田三十畝在百家山下 又米嶺南路堡田地山塘基址共一十五畝五分六釐田七畝四分六釐六毫基二號八分七釐四毫地五畝五分九釐山一畝六分三釐此業原係學田因久荒被

民隱佔于康熙五十五年知縣蕭清勘收租今仍詳歸儒學以上田地其仍有被民侵佔者尙未全清乾隆二十年教諭趙爾璽具册案存學 河東舊學宮基地舊塘田地十五畝有零因廟移城內增開地畝共前田地塘計十二畝六分九釐六毫又地五畝八分六釐總計田地塘四十二號一十八畝一分四釐六毫歲納租穀三十六石其未墾餘基再不准墾乾隆四十二年職員戴詔捐學田一十一畝坐落峯林堡屏風坑學牆東空基一所賃造住宅學收租明倫堂東向街有宅一所亦賃租作檢蓋之資係嘉慶十三年監生萬方泰邑庠生萬方甯捐置

九江府志

卷二十一

學校

學制

二十

瑞昌學田明慶歷間知縣石元煥輸贖緩若干學博捐俸陸續置附近田地二十餘畝 又兵憲陶發本縣絕軍袁壇保戶內民田地山共四十四畝 又買金二鄉杜寄田地山四十三畝九分二釐銀九兩五錢七分八釐五毫貯學申請給貧生江一鵬記萬歷九年知縣梁尙忠丈量田地山塘共一頃七畝九分二釐十四年知縣徐桐攢造地形圖及佃種人戶册呈督學沈公給學查收

國朝康熙三十九年有通邑牧地濱楊林湖德化縣人夏某誘業甲丁姓私墾爲田公訟于上憲定界法引寺有丁卜昌者率

先以已所墾田畝送爲學田合庠上請學院王思訓悉舉公土併入之批允立案事具 晨記按今實存田地 走馬山田十畝五分一釐 馬頭坂三畝 栗下坂田二分 羅家湖地一畝 栗下坂地五分 走馬山地一畝五分 楊林湖湖田一十五畝五分 南保山學山一片 乾隆八年奉臬憲陳批監生柯肇基荒山一十八畝內撥七畝八官送儒學管業額解學院賞給貧生銀七兩五錢二分六釐二絲五忽九微外車脚銀二錢四分餘作科歲試支用學前後基地除建立

上諭亭及城隍廟後殿外其餘俱附近居民分批租銀增減不

九江府志

卷二十一

學校

學制

二十一

一

湖口學田蘆兒壠田嘉靖二十八年段鈿段鎬輸計周孔章田六坵共六畝二分 地開田一坵七分 李岷田二十一坵一十四畝八分五釐 王廷田三坵一畝五分 石塘灣田三坵共一畝九分 地一十七片共五畝二分 山九分 魚塘二口共五畝九分 江家橋田嘉靖二十九年生員曹宗洛等輸時伍一鳳有急宗洛捐銀十六兩其族宗_魯孔暨段孟莊孟賢梅凌虛各捐銀兩濟之一鳳償田交讓輸學計劉殷門首田三坵共三畝六分伍一鳳門首田二坵共一畝八分 楊家塢田

嘉靖三十八年黃廷柯輸田一坵東南止余世景余大四地西
止劉明地北止大江一畝四分 江家嘴田嘉靖三十九年朱
玉流輸西止官港東止本戶田南北止李永秀田十坵共三十
二畝二分係無糧告爭奉司府勸科糧七斗五升 官學田嘉
靖四十四年通判舒塗捐 丁家坂田雍正五年監

生曹碩輸計長坵一畝老漢坵一畝董元田中間二分五斗坵
內七分曲尺坵五分墾上小田一分海五墾上田五分沈則人
門首田二分共米二斗二升二合胡家嶺大地一坵六分在都
邑完糧一升 江家橋田雍正十年段遴茲輸計秧籃口西一

九江府志

卷二十一

學校

學制

二十二

坵一畝二分南一坵六分東一坵七分共米四升五合 大橋

柵田乾隆二十年生員王茂輸陳家下首細山嘴大田一畝港

蔭傅家嶺大塘墾上四升大塘蔭

中塘墾土四升中塘蔭
饒家塘墾上四升壠水蔭

南門外靳將軍廟旁社學基一所舊五分佃造今悉爲空址

陶公祠前驛署對面基一所舊三戶租造今僅一戶租造 成

德嶺學基一所舊七戶租造今爲成德書院 舊學署上手卽

今考棚上首李公祠基一片現一戶租造 舊青雲樓前空基

係學宮賢路卽今考棚對面計廣六丈五尺長十三丈五尺現

五戶租造以上基地舊載除未經租造者不納租外每歲租銀

五兩二錢七分五釐于乾隆七年奉飭徵存縣庫學宮有應修處詳請動支今現佃之租均歸文昌宮公收

彭澤學田陶學易坂田三畝零六釐租谷六石 宋錦玉葉宇若十二都田租谷十石地租銀七錢三分 汪于禮江于茂黃花坂田租谷二石地租銀二兩 高顯土地租山租銀二兩雞各一隻綠豆各一斗頂家山田二畝八分租銀一兩六錢 柯秉凡湖西壠水田一十五片計十畝零六分租谷二十五石又乾田陸地三十五片計十二畝五分額租銀四兩柴山一墩魚塘一口 學門外右基地二間額租銀一兩六錢其餘內外左

九江府志

卷二十一

學校

學制

二十三

右基址悉載學冊共額租銀四兩起解學院項下 十五都黃土嶺劉廣運門首下坂田一坵計一畝八分又一坵計一畝六分 熊家墩水田大小五片共計二畝又一坵計二分五釐堰三分 段家大塘一分五釐草塘一分 又汪家塘地計一畝二分 又婆婆坟地共五片 又孟家洲地一片共計一畝六分係生員汪元魁所捐 三十都黃鶴壠水田一坵計二畝六分 一坵計二畝八分 一坵計九分 一坵計四分 四號今作 一坵本田壠下堰水澆蔭 又皮匠灣乾田一坵計四分 又黃家灣陸地大小五片共計二畝係監生洪國桂妻陶氏所捐 又長樂坂水

田乾田共計五畝彭邑丁祭向用鹿脯供自獵戶嗣因鹿脯難得於嘉慶六年置田歸學以備鹿脯之貲名曰鹿田

慶賀

萬壽宮

上諭亭 卽

舊在西門內嘉慶十四年巡道阿克當阿捐廉

移建契買能仁寺西首基地一片知府方體督造圍牆內建屋

三層又邊屋十六間東邊墻外官屋二間給看守人居住同空

地二片官不取租其西門內舊基化邑建縣城隍廟處

各縣

萬壽宮

九江府志

卷二十一

學校

學制

二十四

德化

附府

德安

在北門內街西雍正七年知縣李宗瀚修乾隆二十年知縣曹師聖重修

瑞昌

在治西北

湖口

在通濟門內孝感坊乾隆五年知縣趙作霖建

彭澤

在文明門內乾隆間知縣李松泰建

凡元旦令節前後三日上元令節自十四日起至十六日止文

武官咸衣蟒袍

萬壽聖節前後三日不理刑名文武官咸衣蟒袍

萬壽大慶聖節自初一日起至三十日不理刑名仍候

旨通行直省遵照

皇太后萬壽聖節前後三日不理刑名文武官咸衣蟒袍

皇太后大慶聖節自初一日起至三十日不理刑名文武官咸

衣蟒袍仍候

旨通行直省遵照

冬至朝賀與元旦同凡遇三大節是日早文武官員朝服至

萬壽宮立通贊唱鳴鼓五通鼓畢通贊唱排班文武官以次進

排班通贊唱跪叩興文武分東西俱行三跪九叩禮散班文武

東西挨次如坐朝儀

九江府志

卷二十一

學校

學制

二十五

凡遇

詔書至文武官員具龍亭綵輿鼓樂出郭迎接齋生下馬捧

詔書置龍亭中南向齋生立於亭東文武官員朝服北向行三

跪九叩禮鼓樂前導齋生上馬隨龍亭後行至

萬壽宮門外文武分東西俯伏候龍亭至庭中眾官以次入序

立齋生立龍亭之東西向贊禮生贊排班樂作行三跪九叩禮

齋生捧

詔授宣讀生宣讀生跪受詣開讀案前宣讀眾官皆跪立宣讀

畢宣讀生捧

詔授齋生捧置龍亭中眾官行三跪九叩禮畢皆退送齋生回原接所膳黃頒行

詔書經過地方官員軍民人等俱跪路傍候

詔書過方起五里以內文武官俱出城迎送五里以外者不許迎送

迎春儀 每歲迎春於東郊出土牛先期塑造春牛芒神前一日迎春官常服用鼓吹綵亭迎至署儀門內土牛南芒神東西向立春日早陳設香燭酒果迎春各官俱朝服贊禮生贊排班跪叩興各官行一跪三叩禮興贊禮生贊跪奠酒領班官奠酒

九江府志

卷二十一

學校

學制

二十六

三爵唱讀祝文讀畢贊跪叩興各官行一跪三叩禮興昇土牛芒神行香亭鼓樂前導各官朝服隨後至東郊各官執綵杖環立土牛兩旁贊禮生贊擊鼓樂工搥鼓贊鞭春各官環擊工牛三禮畢各退

凡迎春禁例康熙十二年覆准嗣後直省府州縣各官拜迎芒神土牛止用鼓吹綵亭其勒令鹽商當舖行戶粧扮故事臺閣排列金珠張鼓樂樹旗幟併科派里長提取馬匹車輛伶人娼婦等項嚴行禁止如有前項靡費並各官借端派累該督撫科道題參交與該部議處

工牛式 土牛胎骨用桑柘木身長四尺按四時 腳三尺六寸按三

百六 頭至尾長八尺按八節 尾長一尺二寸按十時 鞭用柳枝長二

尺四寸按二十四氣 牛色以本年為法頭角耳用本年天干身用本

年地支蹄尾肚用納音天干甲乙屬木色青地支亥子屬水色黑納音如甲子年立春納音屬金用白

色餘 籠頭拘索以立春日日干為籠頭色拘用桑柘木索孟日

用麻謂寅申巳亥日 仲日用苧謂子午卯酉日 季日用絲謂辰戌丑未日 造牛以冬至

節後辰日於歲德方取水土甲年東方甲位乙年西方庚位丙年南方丙位丁年北方壬位戊年

東南方戊位巳年東方甲位庚年西方庚位辛年南方丙位壬年北方壬位癸年東南方戊位

芒神式 芒神服色用立春日支辰受尅為衣色尅衣為繫腰

九江府志

卷二十一

學校

學制

二十七

色 如立春子日屬水衣取土尅水用黃頭髻用立春日納音為

法 金日平梳兩髻在耳前木日平梳兩髻在耳後水日平梳兩

髻在耳後土日平梳兩髻在耳後左髻在耳前火日平梳兩髻在耳前右

梳兩髻在頂直上 鬖耳用立春時為法從卯至戌八時鬖耳用手提陽時左手提陰時

右手提從亥至寅四時鬖耳或揭或掩寅時揭從左邊子丑二

時全戴蓋寅時為通氣故揭一邊子丑時為嚴凝故全戴

鞋袴行纏以立春納音為法逢金木繫行纏鞋袴金行纏左闕懸在腰左水行纏右闕繫在腰右

水日俱全火日俱無土日著袴無行纏鞋子 老少以立春年為法寅申巳亥老子午卯酉壯辰戌丑未

幼身高三尺六寸按一年三百六十日

鄉約

順治十六年議准譯書六諭令地方官舉行鄉約責成鄉約人

等每月朔望日齊集公所宣講康熙九年頒

諭十六條十八年准浙江巡撫所輯十六條直解照依鄉約全
書刊刻各條欵雍正二年

御製

聖諭廣訓萬言頒發通行講讀

譯書六諭孝順父母恭敬長上和睦鄉里教訓子孫各安生理
無作非爲

頒行十六條

曰敦孝弟以重人倫

曰篤宗族以昭雍睦

九江府志

卷二十一

學校

學制

二十八

曰和鄉黨以息爭訟

曰重農桑以足衣食

曰尚節儉以惜財用

曰隆學校以端士習

曰黜異端以崇正學

曰講法律以儆愚頑

曰明禮讓以厚風俗

曰務本業以定民志

曰訓子孫以禁非爲

曰息誣告以全善良

曰誠窩逃以免株連

曰完錢糧以省催科

曰聯保甲以弭盜賊

曰解讐忿以重身命

凡朔望日各官及鄉紳士民齊集至

萬壽宮中設

上諭龍牌南向下設講案北向眾官及鄉紳排班行三跪九叩禮畢贊禮生唱分班聽講眾官及鄉紳俱分東西席地坐聽士民在階陞立聽贊禮生唱鄉約束壇唱十六條目畢又擇生員宣講各條演義講畢退其各鄉村巨堡或遣教官親往集講或該鄉紳衿里老隨時宣講如式舉行

鄉飲酒禮

直省府州縣每歲正月十五日及十月初一日舉行鄉約酒禮擇鄉之年高德劭允符眾望老者一人爲賓其次爲介又次爲眾賓由儒學州縣詳報責成各布政使及該巡撫秉公查察核

九江府志

卷二十一

學校

學制

二十九

定舉行仍將所舉賓介姓名籍貫造冊報部如不得其人甯缺毋濫於咨內聲明停止地方官徇情濫舉者卽行題叅若曾與鄉飲之人遇有過犯報部除名外按罪重輕並將原保之官議處府以知府縣以知縣爲主席立一人爲司正主揚觶以罰失儀者以教官充二人司爵二人贊禮二人引禮一人讀律並以生員充

如有鄉大夫來觀者各府州縣三品以上席南向四五品席西向無缺之不入舉報之數

前一日執事者於儒學講堂依圖陳設坐次監禮席於庭東北

向賓席于堂西北南向主人席於堂東南西向介席於堂西南
東向眾賓之長三人席于賓西南向東上皆專席不屬眾賓席
於西序東向僚佐席于東序西向皆北上司正席於主人之東
北向設律令案於主介間正中又設尊案一於東序端司正豫
率執事習禮至日黎明執事者宰牲具饌監禮主人及僚屬司
正先詣學遣人速賓介以下比至主人率僚屬出迎於庠門之
外揖賓介眾賓皆答揖賓入介眾賓從入主居東賓居西贊禮
者立階前贊揖主及賓三揖三讓而後升堂東西相向立贊兩
拜交拜畢賓卽席乃延介一讓升介升拜如賓禮介卽席乃延

眾賓以次階升主人揖皆答揖卽席主人率僚屬皆卽席咸坐
贊司正揚觶執事者引司正由西階升詣堂中北向立贊起立
賓介以下皆立贊揖司正賓介以下皆揖執事者以觶酌酒授
司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相
勸免爲臣盡忠爲子盡孝長幼有序兄友弟恭內睦宗族外和
鄉黨無或廢墜以忝所生讀畢執事者唱司正飲酒飲畢以觶
授執事執事者贊揖司正揖賓介以下皆揖司正復位賓介以
下皆坐贊講讀律令執事者舉律令案于堂中贊禮生引讀律

令者詣案前北面立賓介以下皆立行揖禮如前讀畢復位贊
供饌執事者舉饌案至賓前次介次主三賓以下各以次設贊
獻賓主起北面立執事斟酒以授主主受爵詣賓前置於席少
退贊兩拜賓答拜訖主退復位贊賓酢酒賓起介從之執事者
斟酒授賓賓受爵詣主前置於席少退贊兩拜賓主交拜訖賓
退復位主人起獻介介酢主人如前儀乃各就位坐執事者詣
三賓眾賓以下以次斟酒於席訖贊飲酒酒三行贊奏樂工升
歌周詩鹿鳴之章卒歌笙奏

御製補南陔詩閒歌周詩魚麗之章笙奏

九江府志

卷二十一

學校

學制

三十一

御製補由庚詩乃合樂歌周詩關雎之章卒歌工告備出執事
者行酒主賓以下飲無算爵贊徹饌訖賓介主以下皆興主僚
屬居東賓介三賓眾賓居西贊兩拜賓主介拜訖唱送賓賓介
眾賓主人以次下堂分東西行出庠門一揖退

凡鄉飲酒禮序長幼論賢良別姦頑其坐席間年高有德者居
上年高淳篤者並之以次序齒而列其有違條犯法者不許干
與善良之席違者罪以違制取有喧嘩揚鱗者必以禮責之

禮 飲 酒 禮 圖

